

ZAWN AWLNA

( INDEX )

		<u>Pages</u>
1.	1st Sitting (14.3.95)	1 - 10
2.	2nd Sitting (15.3.95)	11 - 94
3.	3rd Sitting (16.3.95)	95 - 96
4.	4th Sitting (20.3.95)	97 - 167
5.	5th Sitting (21.3.95)	168- 234
6.	6th Sitting (22.3.95)	235- 337
7.	7th Sitting (23.3.95)	338- 418
8.	8th Sitting (24.3.95)	419- 497
9.	9th Sitting (27.3.95)	498- 577
10.	10th Sitting (28.3.95)	578- 679
11.	11th Sitting (29.3.95)	680- 799
12.	12th Sitting (30.3.95)	800- 872
13.	13th Sitting (31.3.95)	873- 941
14.	14th Sitting ( 3.4.95)	942- 992

MIZORAM LEGISLATIVE ASSEMBLY SECRETARIAT

: : :

No. MAL. 33/95/3 : Dated Aizawl, the 20th Sept., 95.

To,

Pu \_\_\_\_\_ M.L.A.


Subject : Proceedings of Mizoram Legislative  
Assembly (Mizo Version) - Supply of.

Sir,

I am directed to forward herewith a copy of Mizo Version of the Fifth Session of the Third Mizoram State Legislative Assembly Proceedings for favour of your information and record.

Kindly acknowledge receipt of the same.

Yours faithfully,

  
(SAWICHUNGA)  
Under Secretary.  
Mizoram Legislative Assembly.

Memo No. MAL. 33/95/3 : Dated Aizawl, the 20th Sept.,

Copy to :-

- 1) Secretary General, Rajya Sabha Secretariat, New Delhi.
- 2) Secretary General, Lok Sabha Secretariat, New Delhi.
- 3) P.S. to Governor, Mizoram.
- 4) P.S. to Chief Minister, Mizoram.
- 5) P.S. to Minister, Mizoram.
- 6) P.S. to Chief Secretary, Govt. of Mizoram.
- 7) All Commissioners & Secretaries, Govt. of Mizoram.

- 8) Director, Information & Public Relations, Govt. of Mizoram.
- 9) Director, Tourism, Govt. of Mizoram.
- 10) Librarian, NEHU Library, Mayurchany House, Nongthymai, Shillong - 793003.
- 11) Librarian, State Library, Govt. of Mizoram.
- 12) Director, SIB, Govt. of India, Aizawl.
- 13) Librarian, All Colleges, Mizoram.
- 14) Director, Census Operator, Govt. of Mizoram.
- 15) D.G.P. Govt. of Mizoram.
- 16) Archivist, Mizoram State Archivist, Aizawl.
- 17) President, MBSE, Aizawl.
- 18) S.P, SB/CID, Aizawl.
- 19) Secretary, Lakher (Mara) D/C, Saiha/Chakma D/C, Kamanalagar/Lai D/C, Lawngtlai.
- 20) Controller, P&S Deptt. Govt. of Mizoram, Aizawl.
- 21) Liaison Officer, Govt. of Mizoram, Silchar/Shillong/Calcutta/New Delhi.
- 22) Librarian, Mizoram L/A, Aizawl.

*S. WICHHUNGA* (28/9)  
(S. WICHHUNGA)  
Under Secretary,  
Mizoram Legislative Assembly.

PROCEEDINGS OF THE FIFTH SESSION OF THE THIRD MIZORAM  
LEGISLATIVE ASSEMBLY FROM THE 14TH MARCH TO THE THIRD  
APRIL, 1995.

FIRST SITTING ON TUESDAY, THE 14TH  
MARCH, 1995.

PRESENT

PU VAIVENGA, Speaker at the Chair, Chief Minister,  
Fifteen Ministers and Twenty Three Members were present.

GOVERNOR'S ADDRESS

HIS EXCELLENCY the Governor, Mr PR Kyndiah to Address  
the House.

OBITUARY REFERENCE

THE SPEAKER to make references on the demise of

- (1) Shri Giani Zail Singh, Ex-President of India.
- (2) Pu P. Siamliana, Ex-MLA of Mizoram.

MOTION

PU LABBLIAKZUALA to move Motion of Thanks on the Governor's  
address in the following form -

"That the Member of the Mizoram Legislative  
Assembly assembled in this Session are deeply  
grateful to the Governor for the Address which  
he has been pleased to deliver to the Assembly  
on the 14th March, 1995".

ELECTION OF DEPUTY SPEAKER

THE HOUSE to elect Deputy Speaker.

S P E A K E R : Governor address kha han sem ula,  
vawlin atan kan business list ah  
khan tihtur pathum kan la nei a.  
Obituary reference, Motion of  
Thanks leh Election of Deputy

Speaker a ni a. Mahse tunah hian Thingpui pawnah buatsaih a ni a. Thingpui in-in darkar chanve chawl ta ila. Chumi zawhah chuan lut leh ila, kan business chu kan chhonzawm dawn nia. Tunah i lo chawl lawk ang u.

Tuna kan tih leh tur chu Obituary reference pahnih kan House-ah sunna kan nei dawn a, chung chu Pu Giani Zail Singh leh Pu P. Siamliana te an ni a.

Pu Giani Zail Singh kan sawi hmasa ang a, Pu Giani Zail Singh hi kum 1916, May 5 khan Swadan Farikod District, Punjab hmunah a piang a. Pi Pradhan Kaund nen in-neiin fapa pakhat leh fanu pathum an nei a. Kum 1938 khan Punjab a Autocratic rorelna duhlo pawla nasa taka a tel avangin mah a ni. A ni hi Farikod State Congress dintu a ni a. 1948-'52 khan Pepsu Sorkar hnuaiiah Minister hna a vuan a. Kum 1956-62 khan Rajya Sabha Member a ni a. 1966-72 khan President, Punjab Pradesh Congress Committee a ni leh a. Kum 1972-1977 khan Punjab Chief Minister a ni a. Giani Zail Singh hi kum 1982, July 25 khan India President-a thlan a ni ta a ni. Pu Zail Singh-a hi November 26, 1994 khan a chuanna Car nen an insut avangin hliamna tak tuarin PGI Nehru Hospital-ah dah a ni a, a natna tuar lovin ni 25, December 1994 khan a boral a. A thih hian kum 78 mi a ni. A thih lai hian a nupui Pi Pradhan Kaur leh a fapa leh a fanu te hi a bulah an awm a. India ram tana miropui kan hlohini kan chan ta a ni.

Pu P. Siamliana hi chu Mizorama MLA-ah thlan niin Minister of State a lo ni tawh a. 6th December, 1994 khan Greenwood Hospital, Aizawl-ah a boral a. A ni hi kum 45 a upa a ni. Pu P. Siamliana hi Hrangkhuma leh Thanhuami fa a ni a, 9th November, 1949 khan Zobawk Lunglei Kiangah a piang a, Pi Rohlupui nen in neiin fanu 2 leh fapa 1 an nei. Pu P. Siamliana hi College leh University-a a kal lain Student Union-ah active member a ni thin a. Kum 1972-74 khan President, All India Student Federation, Shillong a ni a. Kum 1974 khan General Secretary, Mizo Cultural Club, Shillong a ni bawk. Kum 1975-77 President, MZP, Shillong Branch a ni leh a. Kum 1976-ah Joint Secretary, All Joint Student Association, Shillong a ni a. A ni hi Political Science-ah M.A. Degree, NEHU hnuaiiah a ni a. A ni hi Thalfavang Kutah Secretary leh NERSU Executive Member hun rei tak chung a lo tang tawh a.

Pu P. Siamliana hi Political Party te leh Student ten India nena Peace Talk an neihna a active part la in hemi a vang hian tumnih lai Jail-ah khung ani bawk. Under Ground-ah a lut a, March 23, 1982 khan man a ni a, Silchar Jail-ah kumkhat aia rei mah khung a ni. Pu P. Siamliana hi Mizo Peace Forum (MPF) President hmasa ber a ni. MNF leh India Sorkar inremna thuthlung an ziah khan a hriatpuitu te zing-ah a tel ve a. Kum 1984 Election khan MPF ticket-in a ding ve a. Mahse a tling zo ta lo a ni.

MNF Party Political Party a puan a nih  
khan MPF te hian an fin ta a. Pu P. Siamliana hi Member  
National Council-ah dah a ni a. MNF Divisional Headquarter-  
a Lunglei-ah General Secretary hmasa ber a ni baw. Mizoram  
State MLA Election hmasa ber 16.2.1987 khan Tawipui Consti-  
tuency atanga MNF ticket atanga thlanli a ni.

Tin inthlan leh ah pawh he Constituency  
atang baw hian MNF 'D' ticket a thlanli leh a ni. Kum 1989  
atanga 1993 chung khan Minister of State a ni a. Pu P. Siam-  
liana hian ni 6 December 1994 khan Greenwood Hospital,  
Aizawl ah min borai san a, a ruang hi zobaw thlanmualah.  
phum a ni. Heng mi pahnih te ni vawin nis kan sun tur te  
chu anni a. Tunah kan han chhian tak kha an chanchin  
tiangpui ani a. Sawi vernei te kan saw mai thei a. Tin,  
an chanchinah han belh duh kan neih chuan han sawi teh u.

PU LAL THANHAWLA  
CHIEF MINISTER

Pu Speaker, vawin niah Pu Giani  
Zail Singh-a te leh helala kan lo  
thawpui thin Pu P. Siamliana te  
sunna thusaw ngai ta mai hi a  
vanduaitlak hle a. Pu Giani Zail Singh-a hi keinin a kan  
hriat ve, hmaichhana kan hmuh ve hun, chu Home Minister anih  
hnu kha ani a. Mahse, a chanchin kha in rawn sawi tawn ang  
khan lehka thiam sang vak bik lo, mahse, amahni hnam ah  
chuan zirtirtu, an sakhaw lamah te pawh, an lo ngaihsan, mi  
ingaitlawm tak, mahse mi ropui tak a ni a. Chief Minister  
Punjab anih chungin, hma nasa takin an sawn a. Tichuan,  
Central Home Minister alo nih khan, kan ramah remna leh  
muanna alo awna tur atanga pawh mi tangkai tak a ni a.  
Saptang a thiam vak bik lova, kan imbe pawk vel a. A rilru  
inhawngin, thahnemngai hle thin mahse, thil hrihfiyah a har  
deuh thin a. Mahse, chuti chungin, inawh ni khuaah chuan  
mi a ngaihsak hle thin a ni.

Tin, ram hla tak ani, hnam hnufual leh  
hnam tlem kan ni tih a hre hle a. Chuvangin, Office ah  
emaw inah emaw inhmuh nikhua in, mi ngaihsan dan leh duat  
dan leh ama lakah min tih tiangnei dante a thiam hle a.  
Central hotute kan han hmuh leh tiawh zingah chuan a nelawm  
ber te zinga mi niin, a hawihawm ber in, pachan a chang  
thiam hle thin a ni. Remna leh muanna han sawd khan, helai  
ah kan ram chungchang te sawi a ngai thin a. Khati ldi ah  
kan Chief Minister Brig. T. Sailo chungchangte min zawt a.  
Chutiang khati chuan chu ani a kan kan ti a. Takhat kan hotute  
nena kan hmuh chuan, chu Brig. T. Sailo chu Lallenga hnuaiah,  
armyah Brigadier engzatnge a nih, engchenge anih te a han  
ti a. Hrihfiyah a har hle thin a. Tin, a chungkua chanchin  
te, leh kan Chief Minister a ropui dan ta, India ram an dap  
dan te han sawi nikhua te a awn thin a. Chuhah chuan a  
farno pakhat pawh hian Pakistanah pasal neinin a awn a kan  
han ti a. Mizoramah Muslim in awn ani naw? Brig. T. Sailo  
te chu Muslim an ni maw? te an ti a. Hrihfiyah har hle  
mahse, a man fiah vek vek ah chuan a saw fuh viaw thin a.  
Chutiang chu niin, a intih nelawm kawngte pawh ani thei  
a. Chutiang chuan Mizoramah remna leh muanna zawnah kawngah  
pawh thahnemngai takin, kan zuk sawi zang zangte a ngaih  
ven viaw thin a ni.

Tin, President alo nih khan kan ramah alo zin a, khawchhiat avangin a chen hun tur aia tam awmin Tuirial Air-fieldah. nilenga, Helicopter ngvak a kan hotute nen a awm nite pawh khan ninglo hmel pu takin, nula tlangv-aito zingah kan zeizia ang zel a min kawm thiam a ni a, kan nel hle a ni.

President anih chhungin a hming pawh a tha hle a. President atanga a ban hnuah pawh khulai Delhi ah kan thenawmah a awm a, inthenawm angin han chuan kai zawk zawk theih loh mahse, min tapui tur a han mamawh changin min ngaihtuah zui viauin, kan tan a inhawng hle thin a. Chuvangin, a thihnaah hian Indiaah. miropui tak, hruaitu ropui tak kan chan mai ni lovin, keini Mizote ngei pawh hian Central Sorkar leh India ram pumpuite zinga min duhsak tu leh min lainattu kan chan a ni a. Kan tan channa rap-thlak tak a ni.

Pu Speaker, Pu P. Siamliana hi Houseah tumhnih kan lo thawhpui tawh a ni a. A chanchin kan ngaihtlak atangin zirilai a nih lai pawhin, zirilaite zingah, zirilaite tan a sulsutu leh kaihruaitu, kan ram pawnah pawh ani tih i sawi tawh a. Kan ramah pawh Students movementah hruaitu pawimawh tak a niin, dik leh tha nia a hriatah chuan huaisen takin Sorkarte pawh a tul anga sawisel a, dodal ngamin, cause tha nia a hriatah chuan lungin hial tang ngam ani tih i sawi tawh a. Tichuan, kan thawhho chhungin mi inggaitlawm tak, hotute thu zawm thiam tak a ni a. Minister anihnaah pawh thawk tha tak a ni. Mihring hian famkim loh na kan nei theuh a, mahse, ram leh hnam leh khawtlang tana a thawhnaah te leh kan thawhona kawng tinrengah thawhopui nuam tak a ni a. Vanglai tak, niin, bawrhawma avanga hun lo tak a kan han chan mai hi, keini tan channa nasa leh rapthlak tak a ni. Kan ram leh hnam tan pawh, a bikin thalaite tan pawh channa rapthlak tak a ni a. Hetiang mi ropui anni pahnih Housein kan lo sun a, sunna thusawi a ngai ta mai hi, thil vanduaithlak tak a ni. Hei hi kan Housein record atana kan han sawichhuak hi thil bengvar thlak tak a ni.

PU ZORAMTUNGA : Pu Speaker, vawinah India ram a mi ropui leh keimahniah kan thian leh kan thawhpui, mi chhuanawm tak pahnih, kan uizia leh kan sunna thusawi lo ngai ta mai hi a pawl em em a. A hmasa-in Pu Giani Zail Singh kha, India ram President lo niin a bul intanna pawh lehkha thiam sang leh Qualification sang nilo mahsela, India ram President atan a tlak khawp a, mi inhmang a nihna hi amah leh amah a in sawifiah hlein ka hria a. B.A., M.A. leh Dabrate Degree nei, mithiam sang tam tak awma karah India ram President nih tling khawp a, politicsah pawh a rawn in yawrh chhuak chho hi politician anihna mai ni lovin, statement ropui leh a personality pawh entawn tlak politician leh ram hruaitute leh thangthar naupang zawkte tan pawh, amahah hian zirtur a tam hlein ka hria.

Tin, Mizoram remna tura theihtawp a bei a, amawhphurhna a kalpuinaah pawh fak kan mamawh hlein ka hria a. Chuzhang chu ni lovin, India ram President anih chhunga a hna-thawh, tuna kan ngaihthlak ang Khan President a nihna atanga a chawlhnu pawhin Delhi-ah kan Mizoram House thenawmah a awm a. Kei pawh ka va kal ve zeuh zeuh thin a, Mizoram hi a ngaihven hle a. Kan tana thil tha tihna kawng a awm anih chuan ka in-hawng reng ania tiin a tawngkam pawh a la tha khawp mai a. Chuvangin, Mizoram tan India ram hruaitu President lo ni tawh leh ni mek te ah pawh amah ngei a min rawn hriatpuitu kan nei hi vanneihthlak kan tih lain a hun lo tak maia kan chan ta kha pawh kan ti em em mai a. Chuvangin, amah-ah hian kan rilru leh kan ngaihtuahna te Mizoram atang pawhin thui tak a kal ani tih kha kan hriat theuh pawh a tulin ka hria.

A dawt lehah chuan Pu P.Siamliana, keimahni thawpui ngei, he House ah pawh tumhni member leh Minister te lo ni tawh, kan thawpui ngei kan lo chan leh ta hi kumah pawh la naupang ve tak, pavalai tak kan chan hi a pawh zual in kan hria a. Tin, Zirlaite hruaitu a nih bakah Zoram remna atana theihtawp a beitate, tin, kan hnam, kan culture leh kan ram nunphung siamtha tura theihtawpa tan latu a ni a. Chubakah he ram Sorkarah a contribution hi a ropui em em a. Tin, Minister anih lai pawhin keini opposition-ah kan awm a. Opposition-a awm te tan pawh a dawr hi kan Minister te zingah a dawr nuam ber te zing ami a ni takzet a. Chuvangin, kan ui tak tak a, a boral a kan chan ta hi keini'n channa ropui takah kan ngai a. Nakin zelah pawh ram tana a inpekna te, a huaisenna te, a talent dawn zawng zawngte kha thangthar zel ten entawn tur tam tak an nei ang. Chuvangin, heng mi pahnih kan chan tak te hi kan hloh ropui em em a, House hian a sunna leh a uina a siam hi kan tihtur reng a ni e tih kha amahni chungchang thu ah ka han sawi ve duh a ni e. Ka lawm e.

PU F. LALZUALA

: Pu Speaker, Pu P.Siamliana, kan chhim pasaltha, Mizo hnam pasaltha sunna Zoram rorelna sang bera kan nei hi kawng lehlama ka ngaihtuah chuan lungchhiatthlak ka tih rual rualin lawmawm ka ti a. Mizo hnam rilru pu turin hna nasa takin a thawk a. Tunah kei pawh Tawipui bialah thlantlin ka ni a, ani hi vawihnih lai thlantlin a ni a. Chutah chuan a hnu ka han dawh a ni a. A sulhnu ka han chhui chu a hahdam thlak hlein ka hria a. Tin, chubakah chhim lam atang sawn Mizoram pumpui ai-awhin rorelna khawlah te chhim lam mi an awm thin a, Pu Rawnga te, Pu Laldenga te. Amaherawhchu Pu Siamliana a han boral khan an ingaihtuah nasa hle a. Aizawl lamin Lunglei lama rawn phurh an awih lo ti deuh ten kan lo hria a. Amaherawhchu, a ruhro talin kan chhim tiang hi min nghah sak se kan chhim pasaltha hian tih kan ngaihtuah a. Tin, a pa pawhin chu chu a decision a ni a. Chutiang chuan phal takin min rawn chhuahsak avangin Aizawl lam chungah pawh .



lawmthu kan sawi duh a. Kan chhim pasaltha Pu Rungga te, Pu Denga te chuanin hmar lamah, Aizawl lamah an ruhrovin a nghak a. Keini erawh chu kan chhim pasaltha pakhat Pu P. Siamliana'n a ruang, a ruhro-in kan chhim tlang min luah sak hi kan lawm a. Tichuan, kan Sorkar chungah pawh lawmthu sawi tur tam tak a awmin ka hria a.

Tin, Pu P. Siamliana nen hian in thiantha tak mai kan ni a, College kan kal lai pawhin in classmate chho kan ni a. Chaw ka nghei pawha a chaw plate khat pawh lo eidun thin kan ni a. Amah hi thiante tana in phal em em thin, mi tlawngai a ni.

Tin, Minister te an ni a, amaherawh-chu chhungkhat laina leh thenrual thate tana tangkai lovin amah inhmangral thakin kan ram leh hnam tan a nunna a pe niin ka hria a. Chu chu ka'n sawi duh a ni e. Ka lawm e.

Dr. J. V. HLUNA : Pu Speaker, wawina kan sun te pahnih hi sunna thu kan group ai-awha han sawi ve lo thei lo niin ka in hria a.

A hmasain Pu Giani Zail Singh hi an sawifo dan takah Mud House atanga President Rashtrapati Bhavan, India ram Britishin an awp lai pawha Viceroy ten an awp thin a lut thei a ni a. A hming hi Pu Giani Zail Singha kan tih hian Giani hi kan Kohhranin Reverend kan tih ang, sakhaw mi tak, an sakhua Sikh sakhua a miropui title an pek Giani anih avangin Giani Zail Singh kan tih hian Pu tih pawh a ngai tawh chuang lova. Chutiang khawpa anmahni sakhuaa nihna sang leh sakhaw mi a ni e. Matric chauh a zir thleng a, Hindi leh Urdu leh Punjabi a thiam em em a. A pa in a thihsanin ram 22 hecres lek a thihsan a, chu chu an unau pathumin an insema, khata tang khan theihpatawp chhuahin hna a thawk a. Punjab founder kan tih mai Pratab Singh Karan, Chief Minister anih lai te khan Punjab-ah Agriculture Minister hial ani thei a. Tin, kum 1931 khan kum 16 lek anihin Freedom movement India ram zalenna a suaina-ah hian telin a hnu deuh-ah phei chuan Jail hial te pawh a lo tang ve a ni a. Tin, July 1982-a Operation Blue Star, Amritstar-a Golden Temple beih anih lai khan India ram Office sang ber a chelh a. A rilru chu a na in hrehawm pawh a ti em em a. Ama mite leh a sakhaw hotute ngei pawhin an dem a, bang turin nasa takin an nawr a. Amaherawhchu, India inpumkhatna tihchhiatna zawk anih hlauvin kha kha a chelh tang tang a. Khami dinmun atang khan theihtawpin a mite hnemin inpumkhatna turin a thawk a. A hnu lawkah Golden Temple-ah chuan a tawngtai ta nghe nghe a ni. Hetianga 29 November-a Truck Driver Parsim Lal an tih maina lo su a, thihna khawp hial a tawk hi India mipui rilru a na a. Paper tam takah phei chuan enquiry lak tur ani tih a ni nghe nghe a. Tin, a dam lain a thih hnu-a a mit donate tum reng a ni a. Mahse, he accident a tawh avang hian a mit pawh donate tlak lohvin a awm hial a.

Chutianga a mit pawh donate hial duh a mite chung a rilru tha pu a ni a. Tin, kan hriat angin President anih lain a lo zin a, sakhaw mi tak a ni a, eng sakhua pawh nise, Aizawlah pawh, Chandmary Biak Inah a inkhawm anih kha. Tin, Shillonga kan NEHU Headquarters thar foundation te pawh khua lay a, kan House Leader zahawmtakin a sawi ang khan Saptawng te chu a tawng nawk nawk a, a tawng hi hriat a nuam khawp a, kei pawh 1981 Khan Home Minister anih lain a biakna-ah ka tel ve a, chumi tuma a sawi ka la hriat reng chu "Laldenga promise, He will not kill" a ti mai a a chiang hle-in ka hria a. Chutiang ang chuan a thilsawi duh te chiang taka fel taka a sawi ..... mi tha tak miropui tak a hun lo taka India-in a chan hi pawh hle-in ka hria a. Tin, Pu P. Siamliana hi kan thianpa Shillongah kan Junior deuh chu ni mahse tribal hostel-ah kan awmpui thin mitlawngai, mi in phahnuai ngilnei deuh mai ani a, rilru in zirlaiten ram hmangaihna an lan tir anih chuan Pu P. Siamliana ang tluka zirlai nih laia ram hmangaihna lan tir hi an awm dawn emawhi chu aw, Politic a khelh hun-ah a van chhuanawm dawn em tiin ka rilru-ah a awm reng thin a. 1982 chho, 81-82 chho vela Office kal tur picketing an han bei a, zirlai a hruai a, saw, Secretariat kawt vel motor kawnga an mu ngel ngul te kha ka mitthla hian ala hmu reng a, khangte kha ram a hmangaihna, hnam a chhanna zirlai engngeni, technical quota-ah chuan Mizo ngei-in zir se a duh avanga hnam a chhanna a ni a, Pu Siamliana hi helai chungchangah ram leh hnam a chhanna-ah hian chhuanawm hle-in ka hre bawk a, hetiang a la naupangte a rawng a bawlsak Mizoram leh hnam an thihsan ta mai hi uihawm hle-in ka hria.

Dr. R. LALTHANGLIANA : Pu Speaker, kan sawi tawh nual a, amaherawhchu, loh theihloh a din ngai ve-in ka hria a. Pu Giani Zail Singh-a chungchangte chu ka sawi dawn tawh lova. Kan hotuten an sawi tawh a, Pu P. Siamliana chungchangah hian loh theih loh a tukin zingah hian sawi ngai nei ve in ka in hria a, mimal takin kan inzui rei a, in zuirei ber inkawm rei ber pawh kan ni hial awm mange aw tih te, tukin zingah hian ka ngaihtuahna-ah a awm a. Chhinchhiah tlak tak a nun kal tawh, tukin zingah hian he House-ah hian record awm se ti a kan duh chu; Mizote hnam ang te leh ram khat-a cheng kan nihna anga, kan in punkhatna chungchangah hian ani ang-a vei a, hmala-tu hi kan awm awm lo mange aw tihna te, Zirlai anihna atangin tunhma a, a thil tih tawh atangin tukin zingah hian a sawi tur awm-in ka hria a. Hei kum 1976 vel atang-in kan in zui a, tahchuan 1979-ah khanglai vel khan Shillong-ah khuan Mizo Zirlai pawl MZF ah President ani a, chutihlai chuan Mizoram-ah pawh Zoram pawh ah pawh Zirlai Pawl pahnih lian tak thuang hnih-in a kal a, chutih lai chuan Shillong hmunah All Mizo Student Federation an ti a, AMSE an ti mai thin a. Joint Headquarters, Shillong-ah khuan President-in kei pawh ka awm ve a, tahchuan khulaiah a bik takin ram pawh-a awm kan nihna angin pawnlam pang atanga hnamdangten min rawn hmuhnaah hian Zirlai, Mizo Community huap si-ah pawl pahnih a awm kha

a hrethiam lo em em mai a, in in punkhat lo nge ni hetiang a Zirlai Welfare ngaihtuah thosi pawl pahniha in awm tiin zawhna tam tak kan tawng thin a, chu chuan harsatna pawh hnamdangte nena kan indawrna-ah kan tawh thin a ni. Tah chuan ama initiative tak tak niin ka hria a, a Pu Thangte, nang President i nih lai tak ani bawh a, lehlam-ah kei President ka nih lai ani bawh a, tunhma zawng zawngin kan tih theih loh hi i ti teh ang tih in rawtna a rawn siam a. Tahchuan, Shillong hmuna hi chuan Zirlai Pawl pakhatna kan awm a ngai a ni, hei hian Mizote kan Unity leh kan in punkhatna leh kan in-hmangaihna a puangchhuak tur a ni, Pawl pakhatna insuihkawm ila President kan nihna ve ve pawh hlip thla-in, i kalkhawm teh ang u<sup>u</sup>tin, Public Meeting kan kova, pawimawh hle-in ka hria a. Tahchuan Mizo zawng zawng huapin Shillong Meeting pawimawh tak kan kova. Tahchuan, pawl pakhatna in chhungleit tur khan tuna dingchho ta mek khatih hunlaia mi a kha Mizo Student's Union, MZP leh MSF tih kha Shillong hmuna thiatin kan in chhungleit ta a ni. Helaiah hian a hnathawh a ropui hlein ka hria a. Tunthleng pawh k kuan Shillong hmuna a bik takin, rampawna zirlai kan nihna angin hmunkhata min funkhawtu, a hnathawh rah kan la dawng chho zel a. Tunthleng hian zirlai pawl khatah tiang kuan nghet taka a la kalchho thei hi a hnathawh rah duhawm tak mai kan chhinchhih tur a ka duh em em mai, Pu Speaker a ni a, Chu chu kan tarlang duh a.

Tin, pahniha chuan, 1979 Khan Assam ramah buaina leh harsatna tam tak a bik takin a thleng a. Tin, N.E. huap ang pawhin State dangah harsatna tam tak a thleng a. A bik takin, Foreigners te an State a thil an tihna chungchangah Exploit an nihna chungchangah ram leilung fatein an vei em em a. Chuvangin, Assamahte chuan All Assam Students Union ten nasa takin hma an la a. Chutih lai chuan keini Mizo Zirlai hruiatu kan nihna angin, Assam-ah chuan Chief Minister-ah te pawh lo awm tawh thin, Pu Mohanta leh an Finance Minister, Phukana te hote kan thianthate an lo ni a. Chulaiah chuan North East pumpuia hi State hrang hranga te hi Economic Development-ah te leh Politic thilah te leh Culture thilah te in zawmkhawma tha zawk-a a tul anih chuan Central Government te pawh kan nawr theihna tur-in pawl i din teh ang u<sup>u</sup>tihte-in hma kan la a. Tahchuan, Pu Siama, wawin nia kan sun taka hi hmala chak em em-tu a ni. Shillonga Assam House-ah ka hriatsual loh chuan 1979 kumtawp lampangah State 7 huam chungah Zirlai hruiatu zawng zawngte kan ko khawm a, tahchuan Students Union thar North East State 7 huamin kan din a, North East Region Students Union kan ti a. Tahchuan, tlinglo takin keipawh Senior Vice-President-in kum 3 ka awm a, Siama hi a bul tum-tu, kha Spirit kha a taka rawn kengkawtu a nihna laiah hian a fakawm hlein ka hria a. Han zin nikhuah pawh hian a bik takin State dang, Assam leh Manipur te leh Arunachal-ah te chuan an hre lar em em mai a ni. Chuvangin, wawin niah hian hnamdangte lakah pawh mi hriat lar tak mai, kan ramhruiatu kan sun hi lungchhiat thlak hle-in ka hria a.

Tin, a pathumnaah chuan, kan Member zahawmtak te khan an sawi tawh a, han sawinawn leh ka duh a. Zing dar 3-ah te hian a thil vei tak tak lai chuan tih tur a tam ani a ti a, Muttui lain, tiangkhan, mutmu pawh tuah mang lova, tianga lo thawktu a ni tih hi ka sawi duh a. Khulaiah zirlaiten harsatna tam tak kan tawh thin a. Tin, zirlai mai ni lovin, a bik takin rampawh, Mizo kan nihna anga harsatna kan tawhna ang chiah ani hi a sulsutu ber engkima kan engkim ani thin a. Mithilphal em em mai a ni. Vawikhat chu Rs. 5/- chiah ani a. Keinin kan nei lova, zirlai kan nih lain a cheng 5 neih khan min han thingpui min han inpui a. A in tak theihloh hle na a, khatiang khawpa mi inpe em em mai, ui neilo, a niin ka hria a, a fakawm hle in ka hria a. Hmangaihna ngah leh thawhpui nuam em em mai a ni. A hun tawp dawnah hian kan inhmu hnai lo hle a. A boral dawn hnaih thla 1 1/2 velah tahchuan kan in hmu a, hun kan nei vak lova, a lung a leng hle a, inkawm zel pawh a chakawm hle a nih hi tihte a sawi a. Chuvangin, hetiang min kalsanta hi kan ui em em a ni.

S P E A K E R : Pu Giani Zail Singh leh Pu P. Siamliana chungchangah hian sawi tur tam tak pawh a la awm ang, in la nei ang tih pawh ka ring a. Amaherawhchu, kan duhtawh tawh ang a, heng mi pahnihte hi kan ui tak meuhin, kan sun ani tih leh anmahni hriatrengnan hun reilote i ding ang u (An ding a) Awle, i thu ang u le.

Motion kan nei a, chumi kan motion chu 'Motion of Thanks on the Governor's' tih a ni a. Motion neitu, Pu Lal Biakzuala' han move rawh le.

PU LAL BIAKZUALA : Hon'ble Speaker Sir, I beg to move motion of thanks "That the Member of the Mizoram Legislative Assembly assembled in this Session are deeply grateful to the Governor for the Address which he has been pleased to deliver to the Assembly on the 14th March, 1995."

Thank you, Sir.

S P E A K E R : I motion hi vawin ni-ah chuan sawi lovin naktukah sawiho a ni ang a. Tih leh tur pakhat kan la nei a. Chu chu Election of Deputy Speaker a ni a. Hemi Office atan hian nimin dar 3 :00 thleng khan nomination thehloh theih a ni a. Tichuan, nomination paper pakhat chauh kan hmu a, chu chu hei hi a ni a, Pu R.L.Valla A rawn rawttu chu Pu T.Hranghluta a ni a. Tin, Pu John Rotluangliana'n a rawn second a, rawtna dang/rawttu dang kan hmu lo a ni. Tichuan, hemi chauh hi kan hmu a. A dang a awn si lova. Tichuan, Pu R.L.Valla hi tunah chuan

Deputy Speaker atan tuma chuh lova tling a lo ni ta a, a tling ani tih ka puang e. (Kut an beng dar dar a) Vawiinni a kan tih tur chu kan zo ta a. Amaherawhchu, thil pakhat sawi duh ka nei a. Kan thlantlin tak, Deputy Speaker a kan thlan a kha kan hotuten hemi thutna turah bian rawn hruai chho ula. Thu rawh ule.

Kan sawi duh chu zawhna kan ngah hle a. Amaherawhchu, Officer ten in rawn ngaih mawh tur chu zawhna chhan tur hi department lamin in rawn chhang chak lo a, Office lam tan a buaithlak a, Officer ho khan mahni chan theuh a ranglamin in rawn chhang tur a ni, hei hi kan Minister te pawhin min lo hriatsak dawn nia.

Vawiin atan chuan kan zo ta a, Naktuk dar 10:30 A.M.-ah kan kalkhawm leh dawn nia.

Meeting adjourned at 12:30 Pm .

...11/-